



PAENITENTIARIA APOSTOLICA

Prot. N. 868/13/I

BEATISSIME PATER,

Carolus Skertchly, Procurator Generalis Congregationis Legionariorum Christi, suas libenter faciens preces Alberti Carrara, diaconi eiusdem Congregationis Religiosae Clericalis Iuris Pontificii, qui, die XIV vertentis mensis Decembris, ab Eminentissimo ac Reverendissimo Patre Domino Velasio Cardinali De Paolis, C. S., Delegato Pontificio, in Papali Basilica Lateranensi sacerdos ordinabitur, humiliter a Sanctitate Tua *plenariam* implorat *Indulgentiam* pro christifidelibus qui, omnem affectum erga quodcumque peccatum excludentes, sese sacramentali Confessione purificantes, et Sanctissima Eucharistia reficientes, preces demum ad mentem eiusdem Sanctitatis Tuae pie fundentes, devote interfuerint cuilibet ex octo primis Missis ab ipso Oratore coram populo celebrandis: in Urbe (diebus XV, XVII et XVIII Decembris MMXIII et die mensis Ianuarii MMXIV determinando), in dioecesi Patavina (diebus XIX, XXII et XXV Decembris MMXIII) et Gaudio, in Novariensi dioecesi (mense Februario MMXIV). Et Deus, etc.

**Die XII Decembris MMXIII
In festo Beatae Mariae Virginis Guadalupensis**

PAENITENTIARIA APOSTOLICA, de mandato Summi Pontificis, propositis precibus libenter annuit. Ita christifideles ad supernaturales virtutes, praesertim Fidei, Spei et Caritatis, magis semper in actum vitae traducendas instimulabuntur, et solidabunt suam communionem cum Romano Pontifice, totius Catholicae Ecclesiae unitatis visibili fundamento. Contrariis quibuscumque minime obstantibus.



Maurus Card. Piacenza

MAURUS S. R. E. Card. PIACENZA
Paenitentiarius Maior

Christophorus Nykiel

CHRISTOPHORUS NYKIEL
Regens